

明劉宗厚著

玉機微義

岸吟香題



重刊王機微義序

提督福建市舶曹郡劉公弘濟重刊
劉宗厚所著王機微義書成方伯古
絳陶公延信嘉禾常公汝仁實有以
初之謂舜民當紀其繇惟鑒書以內
經爲主嗣後名家著書不一至
國初徐彥純鑒學折衷而診證方例始
備然門類尚有缺者此是書所以作
也內經謂至數之要迫近以微著之

玉板藏之藏府。每旦讀之。名曰玉機。此是書所以名也。刊本在陝右。傳之四方。非仕路及通都大邑有力者不。得。八閩又僻處東南。且濱炎海。人之氣候不齊。誠得一覽。或收起死之功。此是書所以重刊也。夫鑒仁術。是書專主內經。所載尤切要明白。著於我太祖皇帝。平定天下之後。刊於我英宗皇帝。熙隆治道之餘。今又重刊於我。

皇上居正紀元之初其所以裨

聖化而躋斯世於仁壽之域者不爲無小

補矣。劉公文雅仁厚入侍迄今四十

餘年。濟人利物恒汲汲如不及。即此

一事其用心可見。陶常二公俱人傑

等階殊績可數日而至其可見者又

不在此也。學醫君子當自知之

正德丙寅上元日新安汪舜民序

王機微義序

都察院副都御史姑蘇陳公有戒奉

命鎮撫陝西。仰體

皇仁躬勤蚤莫。蘇息彫弊。民用嚮安。遂飭
邊疆。亦既完固。時有餘暇。其卹人之念
未始或忘。苟可利之爲之。恐緩間遇。醫
家王機微義一編。謂可以濟人。捐俸僦
工。刻以廣布。於是布政郝公珩王公敏
合其同官志在施濟者。效協助焉。既成。

郝公以求予序。此編輯於會稽徐彥純
吳陵劉宗厚。續有增益。皆明於醫者。凡
五十卷。門分類集。於論病因證治條理
粲然。既詳備矣。夫醫家神農。軒岐。伊尹
及秦越人。張仲景之書。萬世所宗。不可
易也。歷晉唐宋。代有明者。近代張元素
起北方。蓋得神授。深造閩輿。再傳李明
之。三傳王好古。南方朱彥脩得私淑焉。
遂爲醫家之正派。彥純宗厚。又私淑彥

脩者也。論者謂元素醫家之王道。蓋王道以養民爲本。元素之法。厚脾土爲要。此知本之務也。是編主素難。金匱及元素一派之旨。若諸家治法。不倍此者。亦旁采而附益之。雖中醫執此施治。可以成功。如病者有能知之。亦必不爲庸醫所誤。其所濟利。豈小補哉。醫者聖人仁民之術也。有戒諸公。於此編協志以廣其傳。蓋其不忍人之心。所不能已也。將

其不忍人之政詐可涯歟。

正統己未正月癸卯光祿大夫少師兵
部尚書兼

華蓋殿大學士廬陵楊士奇序

玉機微義序

余向讀國語醫和有言曰。上醫醫國。其次醫人。唐柳字非之。予竊是之。予謂人受天地之中以生。元氣流行。各正性命。理之常也。不幸天地之氣乖。而人之氣亦戾。由是疾厲作。民夭闕。而國本動搖。惟醫師之良者。探造化之機。究陰陽之理。投藥起疾。以正人之氣。人之氣既正。則天地之氣亦正。由是民生遂。天命全。

而國本固矣。是非醫國而何。今觀吳陵
劉宗厚氏所著王機微義。予益自信予
之是和言者果是。而柳子非之者果非
也。宗厚之學。本諸濂洛儒先。旁究岐黃
盧扁之術。故其發于論議者。始於推氣
運之原。以參五行相生相勝之妙。要之
於性命之稟賦。貫之於物理之變通。而
會之于人事動靜不測之微。馳騁經史。
出入古今。引譬明驗。誠非庸常之流所

可及也。其學則私淑卞谿朱彥脩。其法則有得夫漢長沙。及近代劉河間李東垣之秘旨。顧其爲書。雖以門分類彙。而非歌訣集方。億度乎艾砭參苓者之可同日語也。嗚呼醫術之興。有如此者。俾之經國治民。特舉而措之耳。孰謂和言之非乎。宗厚世爲吳陵望族。以詩禮相傳。其先世在勝國時。居省憲掌樞要。以名宦顯著者。殆未易一二數。宗厚窮而

在下。不能躬耕自食其力。故托跡于醫。以自養自晦也。雖然以宗厚之材之術。擲豈久於栖栖者耶。行將膺異等之薦。展上醫手。以禪

聖主仁民之治。此予之所望於宗厚也。宗厚其以此自期乎。其以此自勵乎。予與宗厚之嚴翁橘泉先生有世契。今觀宗厚所著書。殆不容於默默也。故僭序其實于卷首。俾覽其書者。知宗厚之學有

本。而勿^ラ謂^テ世醫而^ト易^ヒ之^ヲ也

洪武丙子九月初吉吳興莫士安序

王機微義序

醫書自內經而下歷數千載。善斯道而作者。非一人。其間有言診者。有論證者。有集方者。莫不皆裨於世用。然奧妙之旨。奚所發揮。雖世異病殊。以方取驗。若出一人之手。迥不知世運之遠。作者之衆。然人同此心。心同此理。漢張仲景本經旨。傷寒之法。言診論證。以例處方。後之學者。得有所據。晉唐以來。其道益廣。用其法者。不一。或止

言雜病診證。或求奇示恠。秘而不傳。好事者慕其風而繼作。或止據於方。雖有一源一意之可觀。又非百代可行之活法也。始純從學於江左馮先生庭榦。間嘗請其義授以會稽徐先生所著書一帙。觀其法求其意。蓋出於內經。非前謂也。且古今作者非一人。其法各得一意。而後人執之該治。不知通變之法。與經旨多相違戾。不無得失。是以先生究探古今作者源意。據金劉

守真元李明之朱彥脩諸氏論集本乎經
旨而折衷其要發明中風痿痰泄瘧諸門
診證方例非一源一意而有通變乎百證
千方者斯爲古今可行之活法也歟豈止
集方而已先生諱彥純字用誠蚤歲掌客
吳中以春秋教授鄉之俊彥今沒十有二
年始遇其從弟用中獲詢先生學行知深
於醫者也又嘗見其本草發揮竊意前書
必有全帙惜今不可見矣嗚呼歲月云邁

九原不作。幸而遺墨昭然。生意如在。以先生所著。取欬熱火。暑燥濕寒等門。診證方例。妄意續于諸門之末。雖心同理。而不免獲狂僭之過。因據諸內經至數至名之旨。乃目其書曰王機微義。未知其果是否。後之明哲有所正焉。於是乎書。嘗
洪武丙子三月朔。且吳陵劉純序。